

Tajuk : 57 mahasiswa UNIMAS ngereja pengawa ke rakyat di Kabong

57 mahasiswa Unimas ngereja pengawa ke rayat di Kabong

Utusan Sarawak 29/04/12 M/S: 12

KABONG: Bisi 57 mahasiswa sereta mahasiswi Universiti Malaysia Sarawak (Unimas) diatu bisi di menua tu ngatur program Projek Khidmat Masyarakat serambau enggau 20 taun penumbuh Unimas di negeri tu.

Pengelicha pengulu pelajar, Noor Ain Aini may ditemu pemberita Utusan Sarawak madahka Projek Khidmat Masyarakat Kabong nya siti ari aktiviti luar kampus ti betuju kena meri penemu ngagai pelajar pasal isu pemansang kemaya hari.

"Sarawak endang tau dikumbai wilayah ti benung mansang, lalu Kabong nya agi ba tikas pun pengawa pemansang. Pengidup rayat di pelilih menua mit nya mega begantung enggau pengawa berikan sereta enggau bumai bekebun.

"Aktiviiti ti diatur sepengelama sida ditu kenyau ari 27 ngagai 29 April nya nyengkaum bekunsika penerang, berandauka chara pengidup sereta meri pemereti ati ngagai rayat di menua nya pasal pemesai guna nyaga pemeresi esereta enggau rampa menua, peluang belajar ti disediaka Unimas ngagai raban nemiak, sereta ngamalka char idup bepengerai," ku iya.

Chara kasar, ku Noor Ain, pesereta program tu mega dipelabaka ulih mandangka budaya gawa pechuma sereta



KE PENGINGAT... Mahasiswa taun penudi Universiti Malaysia Sarawak (Unimas) begambar ke pengingat selepas pengawa nerangka pasal pengerai di Kabong hari enam tu tadi.

bekerejasama antara raban sida, lebih agi pelajar Fakulti Sains Sosial ti ngambi kursus 'Politik Negara Membangun'.

Program nya mega dikarapka

ulih nulung bala pesereta belajar reti diau sereta gawa begulai enggau bala diri ti diau bekelingi dia.

Kelimpah ari nya, program tu ulih narit ati mayuh agi raban

nemiak di kelingi menua nya ngambi bidang pelajar ba Fakulti Sains Sosial Unimas.

Sepemanjai program nya, pesereta taun penudi Unimas

mega bisi ngatur cheramah motivasi, cheramah pengerai. kereja amal, sereta enggau mantauka budaya raban bansa ba Malam Budaya.

Sama nyempulang sida sepe-manjai program nya, Dr Ahmad Nizar Yaakub ti nyadi pengelicha pengulu pelajar dalam program nya.